



Møtebok Ullensvang Fjellstyre

Tidspunkt: mandag 20. september

Sted: Epostmøte

Deltakere:

Jan Asbjørn Utne, Jarle Rasmussen, Synnøva Sæbø og Hildegunn Espe

Forfall: Johnny Vikne

Saksliste:

UFS 20/21: Tiltak for økt felling i jakta 2021

UFS 21/21: Eventuelt

Jan Asbjørn Utne /s/

Synnøva Sæbø /s/

Hildegunn Espe /s/

Jarle Rasmussen /s/

Sak 20/21: Tiltak for økt felling i jakta 2021

Saksdokument:

- Anbefaling villreinkvote Hardangervidda 2021 endeleg vedlegg
- Villreinnemda - Tildeling av fellingskvote for villrein - vedlegg

Saksutredning:

Bakgrunn for saka:

Torsdag 10. september 2020 vart det påvist ei positiv skrantesjukeprøve på ein vaksen bukk felt i Vinje kommune på Hardangervidda. Mattilsynet/Miljødirektoratet har etter dette gått ut og oppfordra sterkt til å få teke flest mogeleg prøver under ordinær jakt på Hardangervidda. Det blir spesielt peika på viktigeheita av å få inn lymfeprøver frå alle felte dyr i tillegg til hjerneprøver.

Ut frå dette har villreinnemda vedtatt ein kvote på 8000 vakse dyr, samt ei utvida jakttid frå 10. august til 7. oktober. Villreinutvalet kjem også i si anbefaling med fleire andre tiltak for å auke fellinga. Frå Hardangervidda villreinutval si innstilling til anbefalt villreinkvote finn ein fylgjande forslag til tiltak:

*«**Samjakt:** Alle vald oppfordres til å slippe inn jeger fra andre vald i perioder det eventuelt er få eller ingen egne jegere på valdet. Spesielt i siste halvdel av jakta bør det være rom for dette.»*

Vurdering av lokale tiltak:

Det har kome opp forslag frå fleire hald om å gjere det lettare for jegerar å jakte på tvers av grenser. Å opne grenser mellom private og statsallmenningar er ikkje lett å få til, men statsallmenningane kan relativt enkelt opne sine grenser for å gjere det lettare å jakte i grenseområde. Erfaringsmessig så reiser ikkje jegerar langt vekk frå sine eigne jaktområde, men ein kan forvente noko effekt i grenseområde der ein kan gå inn på naboallmenning for å jakte. I den situasjonen ein er inne i vil det vere viktig å vise vilje til å kome med tiltak for auka felling. Om ein får det store utbyttet av tiltaka er meir uvist, men ein har i alle fall vist vilje til å ta dei grepa som er mogelege på kort sikt.

Sakshandsamar vil føreslå fylgjande tiltak som vil omfatte Ullensvang, Røldal, Eidfjord og Øvre Numedal:

1. Alle som har utskrive jaktkort frå fjellstyret i ein av dei fire Statsallmenningane nemnd over kan nytte desse fritt på heile arealet til dei fire Statsallmenningane.
2. Alle fredningssoner opphevast ut jakta 2021.

Dersom dette skal fungere er det viktig at vedtaka vert gjort så enkle som råd og at dei er mogeleg å gjennomføre. Ein ber derfor fjellstyra tenke nøye gjennom eventuelle innskrenkingar og lokale tilpasningar som kan vanskeleggjere eit eventuelt samarbeid. Skal dette ha nokon som helst effekt må vedtaka gjerast no. Blir det mykje att og fram med ulike lokale tilpasningar vil tida fort gå frå oss. Det er sjølvsgatt

eit alternativ å utsetje opphevinga av fredningssonane ei stund, men dei bør opphevast før jakttida er omme.

Representantar frå dei fire fjellstyra har diskutert saka, og tar diskusjonen om samjakt vidare med sine respektive fjellstyre så snart som råd.

Vedtaka vert gjort med bakgrunn i den ekstraordinære situasjonen etter påvist CWD på Hardangervidda. Fjellstyra ynskjer med dette å bidra til auka felling i tida som står att av jakta. Med dette vedtaket opnar dei fire fjellstyra nesten 2000 kvadratkilometer for samanhengande jakt. Arealet strekker seg frå E134 i sør til Hardangerjøkulen i nord og Nore og Uvdal i aust.

Forslag til vedtak:

1. Ullensvang Fjellstyre opnar for full samjakt med alle jegerar som har utskrive jaktkort frå fjellstyret i Røldal, Ullensvang, Eidfjord eller Øvre Numedal. Vilkaoret for samjakta er at tilsvarande vedtak vert gjort av alle fire fjellstyra. Vedtaket vert gjeldande frå og med 21. september 2021 og ut jakta.

2. Jegerar som kan benytte seg av samjaktavtala, kan jakte fritt på heile arealet til Ullensvang Statsallmenning. Alle fredningssoner opphevast ut jakta 2021

Referat:

Tilbakemelding frå rep. Rasmussen:

*«Det er pr 20.09.21 registrert 935 prøver frå Hardangervidda. (Alle negative)
Det er nå mistanke om skrantesjuke hos ein hjort felt i Etne 11. september. (Endelig prøvesvar er venta denne uka, 38)*

*Eg meiner at vi skal avventa endelig resultat på den hjorten før vi tar avgjerda.
Dersom mistanken blir bekrefta, så må det få konsekvenser for det dei no heldt på med på Hardangervidda meina eg. (Dei kan ikkje fortsetta nedskytinga)*

På nåværende tidspunkt er eg derfor ikkje einig i at vi skal gjere tiltak som kan bidra med å auka fellinga.»

Forslaget falt med en mot tre stemmer.

Vedtak:

1. Ullensvang Fjellstyre opnar for full samjakt med alle jegerar som har utskrive jaktkort frå fjellstyret i Røldal, Ullensvang, Eidfjord eller Øvre Numedal. Vilkaoret for samjakta er at tilsvarande vedtak vert gjort av alle fire fjellstyra. Vedtaket vert gjeldande frå og med 21. september 2021 og ut jakta.

2. Jegerar som kan benytte seg av samjaktavtala, kan jakte fritt på heile arealet til Ullensvang Statsallmenning. Alle fredningssoner opphevast ut jakta 2021

Vedtatt med 3 mot 1 stemme.

Sak 26/21: Eventuelt

Saksdokument:

2021.05.28.141.9.Søknad om tilskot til kulturarrangement- Eidfjord Fjellstyre

Saksutgreiing:

Søknad om tilskudd til arrangement ifm 40 års markering for Hardangervidda, Eidfjord Fjellstyre. Se eget vedlegg.

Framlegg til vedtak:

Ingen

Referat:

Saken utsettes til neste ordinære møte i november